

noctialibus sine Latitudine. Neque hoc silentio prætereundum, alias Aquarum partes magis vi luminis & radiorum corporis Lunaris adfici, quam alias; vel ob reſtitutionem radiorum, vel vim quandam aliam occultio-rem. Quin & alia efficacia radios suos in Aquas demittit Luna, ſi Septentrionalis: alia, ſi Meridionalis: hic enim Acceſſus auget in Littoribus Meridianis: ibi in Septentrionalibus. Cæterum Æſtus marini aliis aliſque locis ma-niſteſtiores, obſcurioresque aut pene nulli ſunt. Nam ut de noſtro hoc Germanico Mari nonnihil dicamus: Cer-tum eſt Æſtus in eo vix ullos percipi, niſi quantum ventis concitatum nunc in hanc, nunc in illam partem undabundum rapitur: Coroque ſtante altius aliquando intumeſcit, neque uſquam latius dominatur Mare, multum fluminum huc atque illuc ferens, nec littore tenus accreſcit aut reſorbetur, ſed inſluit penitus atq; am-bit. Cumque Hispanicus Atlanticuſque Oceanus profunditatis pene ſit imperſcrutabilis, ita ut demiffa bolis ad ccc aut cccc Orgyas necdum fundum pertingat: Germanicus tamen plerique locis lx tantum cubitis de-preſſus eſſe compertus eſt, aut vix uſquam centum cubitorum altitudinem excedere, præterquam Norwegicis Littoribus nonnullis, ita in immenſum abruptis profundisque, ut imperveſtigabilis cenſeantur profunditatis. Inſuper & hoc memorandum, quod, quum reliqua Maria pene omnia aquis conſtent amariffimis ac ſaliſſimis, hoc noſtrum Mare dulcibus potuq; haud omnino inſuavibus undis conflatur: idq; ob divitem maximorum fluminum è Sarmaticis Montibus influxum: quodque Sol iis locis imbecillior videatur, quam ut id quod lim-pidius leviuſque eſt aqueæ ſubſtantia, elevare queat: quam cauſam nonnulli adferunt præcipuam ſalſedinis in Mari. Quæ ſi ſufficeret ſatisque eſſet idonea, *Amalchium* quoque & *Chronium mare* ſalſedinis expers foret, cujus contrarium contingit. Quare liquefactæ nives potius, diſtisque Fluvii è Sarmaticis Montibus profluentes, id Mare dulce limpidumque reddunt. Vnde illud quoque emergit, cur facilius reliqua Maria onerarias naves ponderibus maximis onuſtas ſuſtineant, quam id de quo agimus. Solent quippe ſalſa Maria plus oneris ferre ob aqueæ craſſiorem ſubſtantiam: tenuitas ſiquidem leviſſimis ponderibus pervia eſt. Natatio quoque in hoc Mari facilior, quam in cæteris. Nauſeam tamen navigantibus contingere ſolitam, vomitumque excitat majore-rem, ob vehementiores motus, quibus modo ad æthera uſque attolli, modo in imum uſque infernum deprimi videtur. Varias hoc Mare pro locorum varietate fortitur appellationes. Dicitur enim *Oceanus Germanicus* a vici-na quam alluit Germania: & a Gallico Britannicoque qui Occidentaliſ eſt in Orientem Sarmatiam uſque por-rigitur. Dicitur & *Mare Septentrionale*, *Arctœum*, *Cimbricum*, *Balticum*, *Codanium*, *Suevicum*, *Vandalicum*, *Scythicum*, *Sarmaticum* &c. Atque hæc de Mari pro hujus loci anguſtia paucis ſint dicta. Non deſunt Ger-mania Montes, inter quos nominatiſſimi ſunt: *Rolbergus*, *Mons Iſidis*, *Melibocus*, *Pinifer*, *Heſſus*, *Oſt-bergus*, *Senus*, *Suevus*, *Pavonis*, *Rheticus*, *Sprulus*, *Vocetius*, *Vosagus*. Sunt & Silvæ plurimæ, longe autem maxima *Hercynia*. *Silva Hercynia* optimi & maximi quique autores cum Latini, tum Græci meminere: Pom-ponius Mela qui eadem fere cum Cæſare diſſerit: Strabo lib. vii aliquantum diverſa: Plinius item multis in locis. Ejus cum ſint haud dubie lata cornua, & varii tractus, ipſa tamen intra Germaniam, quod ad Occaſum & Meridiē attinet, continetur. Ideoq; Arduēnam Silvam ut illius partem neutiquam adnumeraverim, inquit Gla-reanus, quod quidam noſtra ætate temere fecere. Cæſar lib. vi Com. de bel. Gal. ſcribit lx dierū ſpacio extrēdis ſecundum

Altitudo.

*Montes.
Silvæ.*